

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**ДОМ НАРОДА
ПРЕДСТАВНИЧКИ ДОМ**

Зajедничка комисија за одбрану и безбједност
Босне и Херцеговине



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**ДОМ НАРОДА
ПРЕДСТАВНИЧКИ ДОМ/ZASTUPNIČKI ДОМ**

Зajедничка комисија за одбрану и сигурност
Босне и Херцеговине
Зajедничко повjerenство за одбрану и сигурност
Босне и Херцеговине



ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

Број: 03/1-50-14-7-20/26

Сарајево, 1. 4. 2026.

PRIMLJENO: 23-07-2026			
Organizaciona jedinica	Klasifikaciona oznaka	Radni broj	Broj prijave
03/1-50-14-7-20/26		509-1/26	

ЧЛАНОВИМА ЗАЈЕДНИЧКЕ КОМИСИЈЕ ЗА ОДБРАНУ И СИГУРНОСТ БиХ:

JASMINU IMAMOVIĆU, MARINI PENDEŠ, DARKU BABALJU, MILANU DUNOVIĆU, SLAVKU MATIĆU, ŽELIMIRU NEŠKOVIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

PREDMET: Informacija o učešću u radu 19. godišnje konferencije Generalnog inspektorata Ministarstva odbrane BiH i inspektora Oružanih snaga BiH

Zamjenica predsjedavajućeg Zajedničke komisije za odbranu i sigurnost BiH Marina Pendeš učestvovala je u radu 19. godišnje konferencije Generalnog inspektorata Ministarstva odbrane BiH i inspektora Oružanih snaga BiH, koja je održana 26. 3. 2026. u Domu Oružanih snaga BiH u Sarajevu.

Tokom konferencije razgovarano je o radu i ulozi Generalnog inspektorata Ministarstva odbrane BiH, s posebnim naglaskom na jačanje integriteta, unapređenje profesionalizma i efikasnosti, kao i na provođenje normativno-pravnih akata u Ministarstvu odbrane BiH i Oružanim snagama BiH. Generalni inspektor Ministarstva odbrane BiH brigadni general Edin Fako predstavio je Izvještaj o radu Generalnog inspektorata za 2025. godinu, u kojem je istaknut vidljiv napredak u radu, uz najavu daljnjeg unapređenja sistema odbrane.


Posebno je istaknuto donošenje Kodeksa ponašanja pripadnika Ministarstva odbrane BiH i Oružanih snaga BiH na društvenim mrežama i online platformama, kao važnog koraka u jačanju profesionalnih standarda. Učesnici su upoznati s dosadašnjom primjenom Kodeksa, uključujući i određene izazove u njegovoj primjeni.

Zamjenica predsjedavajućeg Marina Pendeš je u ime Zajedničke komisije za odbranu i sigurnost BiH pozdravila učesnike konferencije te naglasila kako Zajednička komisija i zakonodavna vlast imaju odgovornost i spremnost da putem parlamentarnog nadzora doprinesu unapređenju sistema odbrane u Bosni i Hercegovini. Istaknula je značaj sinergije izvršne i zakonodavne vlasti, a posebno saradnju sa Zajedničkom komisijom i parlamentarnim vojnim povjerenikom BiH, s ciljem odgovornog upravljanja resursima, jačanja integriteta i smanjenja korupcije. Također je istaknula važnost kontinuiranog unapređenja zaštite ljudskih prava, uključujući i potrebu posebnog fokusa na prava žena u Oružanim snagama BiH, kao i dosljednu primjenu Zakona o odbrani BiH i Zakona o službi u Oružanim snagama BiH.

Na konferenciji su se obratili i zamjenik ministra odbrane BiH Slaven Galić, koji je istaknuo značaj unapređenja poštivanja normativno-pravnih akata i jačanja integriteta u sistemu odbrane, kao i parlamentarni vojni povjerenik BiH Boško Šiljegović koji je govorio o radu Ureda parlamentarnog vojnog povjerenika, naglasivši značaj zaštite prava profesionalnih vojnih lica, rješavanja pritužbi te kontinuirane saradnje s Generalnim inspektoratom s ciljem otklanjanja uočenih nepravilnosti.

Konferenciji su prisustvovali i predstavnici Oružanih snaga BiH, međunarodnih organizacija i partnera, uključujući Štab NATO-a u Sarajevu, EUFOR, Misiju OSCE-a u BiH, kao i predstavnike vojno-diplomatskog kora i drugih institucija.

Zaključci doneseni na završetku 19. konferencije poslužit će kao važne smjernice za daljnje unapređenje profesionalizma, odgovornosti, transparentnosti i ukupne efikasnosti sistema odbrane Bosne i Hercegovine.



Predsjedavajući Zajedničke komisije

Jasmin Imamović

Dostavljeno:

- naslovu
- a/a